



საბჭოთა კავშირის პრეზიდიუმის კრებულის გადაწყვეტილებით, შერეოდით!

საქართველოს საბჭოთა სოციალისტური რესპუბლიკის



# უმაღლესი საბჭოს უწყებები

№ 2 (65)

7 ივნისი

1955 წელი

## შ ი ნ ა ა რ ს ი

საქართველოს სსრ უმაღლესი საბჭოს პრეზიდიუმის ბრძანებულებანი და დადგენილებანი

1. საქართველოს სსრ მშრომელთა დემუტატების რაიონული და საქალაქო საბჭოების პირველი სესიების შედეგების შესახებ.
2. „საქართველოს სსრ უმაღლესი საბჭოს უწყებების“ სარედაქციო კოლეგიის შემადგენლობის შესახებ.
3. ბრძანებულება მხატვრული თვითმოქმედების კოლექტივების დაჯილდოების შესახებ საქართველოს სსრ უმაღლესი საბჭოს პრეზიდიუმის საპატიო სიგელით.
4. ბრძანებულება საქართველოს სსრ უმაღლესი საბჭოს პრეზიდიუმის საპატიო სიგელით იმ პირთა დაჯილდოების შესახებ, რომლებმაც განსაკუთრებით გამოიჩინეს თავი მხატვრული თვითმოქმედების განვითარების საქმეში.
5. შრომის საქმეთა განაილის მდგომარეობის შესახებ საქართველოს სსრ სახალხო სასამართლოებში.

## საქართველოს სსრ უმაღლესი საბჭოს კრედიტის ბრძანებულებანი და დადგენილებანი

### 1. საქართველოს სსრ მშრომელთა დეპუტატების რაიონული და საქალაქო საბჭოების პირველი სესიების შედეგების შესახებ

საქართველოს სსრ უმაღლესი საბჭოს პრეზიდიუმში აღნიშნავს, რომ მშრომელთა დეპუტატების ახლად არჩეული ადგილობრივი საბჭოების პირველი სესიები ჩატარებულ იქნა ორგანიზებულად და მაღალ იდეურ-პოლიტიკურ დონეზე. საბჭოების ხელმძღვანელთა შემადგენლობაში არჩეული არიან საქმის მცოდნე და პრაქტიკულ მუშაობაში შემოწმებული მოწინავე აღამიანები. მუშებიდან, კოლმეურნეებიდან და საბჭოთა ინტელიგენციიდან. სესიებზე ყველგან ცნობილი იქნა არჩეული დეპუტატების რწმუნება, არჩეული იყო საბჭოების აღმასკომები, მუდმივი კომისიები, დამტკიცებულ იქნა აღმასკომების სამმართველოები, განყოფილებები, სამმართველოების უფროსები და განყოფილებების გამგეები.

მიუხედავად იმისა, რომ მშრომელთა დეპუტატების რაიონული და საქალაქო საბჭოების სესიები ჩატარდა ორგანიზებულად, ზოგიერთი საბჭოს სესიაზე დაშვებული იქნა საქართველოს სსრ კონსტიტუციის ცალკეული მუხლების დარღვევები. თბილისის საქალაქო, 26 კომისიის, კიროვის სახელობის და თერჯოლის რაიონული საბჭოების სესიებზე არ იყო დამტკიცებული აღმასკომების სამმართველოები და განყოფილებები, რითაც დარღვეული იქნა საქართველოს სსრ კონსტიტუციის 102 და 104 მუხლები.

ტყიბულის, წალკის, ასპინძის, გეგეკორის, გურჯაანის, კაჭრეთის და სხვა რაიონების საბჭოების სესიებზე დამტკიცებული იყო აღმასკომების ფაქტობრივი განყოფილებები—კოლმეურნეობებში მშენებლობის, მრავალშეილიანი და მარტოხელა დედების სახელმწიფო დახმარების, გადასახლება-დასახლების და მუშახელის ორგანიზებულად შეგროვების განყოფილებები, ფიზკულტურისა და სპორტის საქმეთა კომიტეტი და ცენტრალური სტატისტიკური სამმართველოს რაიონული აღრიცხვის ინსპექტორა, რომლების შექმნაც საქართველოს სსრ კონსტიტუციით არ არის გათვალისწინებული.

ზოგიერთი რაიონის საბჭოს სესიაზე მუდმივი კომისიების შექმნისას არ არის გათვალისწინებული რაიონის თავისებურებანი და არ არის შექმნილი სახალხო მეურნეობის ძირითადი დარგების მუდმივი კომისიები.

თეთრიწყაროს რაიონული საბჭოს სესიაზე შექმნილია მხოლოდ 3 მუდმივი კომისია, რომელშიაც გაერთიანებულია 7 ძირითადი დარგი. მეცხოველეობის რაიონებში—წალკის, დმანისის, ბოგდანოვკის, თეთრიწყაროს, ყაზბეგის, დუშეთის, თიანეთის და სხვა რაისაბჭოებთან არ არის შექმნილი მეცხოველეობის მუდმივი კომისიები.

გარდაბნის, სამტრედიის, თეთრიწყაროს, ყაზბეგის და დუშეთის რაიონული საბჭოების მუდმივი კომისიებში ჩაბმული არ არის მნიშვნელოვანი რიცხვი დეპუტატებისა.

სამხრეთ ოსეთის საოლქო, გორის საქალაქო, თიანეთის, ლანჩხუთის, ზორჯომის, ყვარლის, ბოგდანოვკის, თერჯოლის და ყაზბეგის რაიონული

საბჭოების სესიებზე მუდმივი კომისიების შექმნისას, დამტკიცებულია ამ კომისიების თავმჯდომარეებიც, რომელთა არჩევა მუდმივი კომისიების დებულების თანახმად ხდება თვით კომისიების სხდომებზე. ყვარლის რაიონული საბჭოს სესიაზე დამტკიცებული იქნა, აგრეთვე, მუდმივ კომისიებში გასაერთიანებელი აქტივი 48 კაცის შემადგენლობით, რაც ეწინააღმდეგება მუდმივი კომისიების დებულების მოთხოვნას.

თვალისწინებს რა ამოცანებს, რომლებიც დგანან მშრომელთა დებუტატების ადგილობრივი საბჭოების წინაშე მრეწველობის, სოფლის მეურნეობის და კულტურის განვითარების დარგში, აგრეთვე იმ ამოცანებს, რომლებიც დააყენა საბჭოთა კავშირის კომუნისტური პარტიის ცენტრალური კომიტეტის იანვრის პლენუმმა, საქართველოს სსრ უმაღლესი საბჭოს პრეზიდიუმი ადგენს:

1. დაევალოს სამხრეთ ოსეთის ავტონომიური ოლქის მშრომელთა დებუტატების საბჭოს აღმასკომს და საქართველოს სსრ საქალაქო და რაიონული საბჭოების აღმასკომებს:

ა) წარმართონ მშრომელთა დებუტატების საბჭოების მუშაობა იმ მიმართულებით, რომ უზრუნველყონ სამეურნეო და კულტურული მშენებლობის დარგში დასახულ ამოცანათა განხორციელება და იმ ღონისძიებათა შესრულება, რომლებიც დაყენებულია საბჭოთა კავშირის კომუნისტური პარტიის ცენტრალური კომიტეტის სექტემბრის და შემდგომი პლენუმების მიერ სოფლის მეურნეობის და განსაკუთრებით მესაქონლეობისა და მისი პროდუქტიულობის გადიდების საქმეში;

ბ) რეგულარულად მოისმინონ ამომრჩეველთა კრებებზე აღმასკომების მოხსენებები, დებუტატების ანგარიშები თავიანთი და საბჭოების მუშაობის შესახებ, განუმარტონ მშრომელებს პარტიისა და მთავრობის დადგენილებები და ჩააბან ისინი საბჭოების მუშაობაში;

გ) შეიმუშაონ პრაქტიკული ღონისძიებანი ამომრჩეველთა განაწესების და წინადადებების განსახორციელებლად, გაითვალისწინონ ამომრჩეველთა კრიტიკული შენიშვნები და დასახონ კონკრეტული ღონისძიებანი საბჭოების და მათი აღმასკომების მუშაობაში არსებული ნაკლოვანებების გამოსასწორებლად;

დ) უზრუნველყონ სესიების რეგულარულად მაღალ ორგანიზაციულ და პოლიტიკურ დონეზე ჩატარება, აამაღლონ დებუტატების აქტივობა საკითხების განხილვაში და ფართოდ გაშლილ კრიტიკის და თვითკრიტიკის, განსაკუთრებით ქვემოდან კრიტიკის საფუძველზე, მკვეთრად გააუმჯობესონ საბჭოების მუშაობა;

ე) გააძლიერონ რაიონული, საქალაქო, სასოფლო და სადაბო საბჭოების მუდმივი კომისიების მუშაობა და მათი მოღვაწეობა წარმართონ საბჭოებისათვის დახმარების აღმოსაჩენად, სესიების ორგანიზაციის, მასალების მომზადების, საბჭოების და აღმასკომების გადაწყვეტლებათა შესრულების და მუდმივი კომისიების მუშაობაში საბჭოს ფართო აქტივის ჩაბმისათვის;

ვ) პრაქტიკულად განახორციელონ საბჭოთა დემოკრატიული პრინციპები, უზრუნველყონ არჩევნების დებულებების მოთხოვნების დაცვა, დროულად ჩაატარონ არჩევნები ცალკეულ საარჩევნო ოლქებში გასულ დებუტატების ნაცვლად და არ დაუშვან საბჭოების ხელმძღვანელი მუშაკების შეცვლა არადებუტატებით.

ზ) ჩაატარონ სისტემატური მუშაობა საბჭოების აღმასკომების თავმჯდომარეებთან და მდივნებთან მათი პოლიტიკური დონისა და კვალიფიკაციის ამოღების მიზნით, პერიოდულად ჩაატარონ საუბრები და სემინარები საბჭოების მუშაობის ცალკეულ საკითხებზე;

თ) დაწვებულ შეცდომათა გამოსწორების მიზნით დაევალოს ამ დადგენილებაში ჩამოთვლილ მშრომელთა დებუტატების საბჭოების აღმასკომებს, საბჭოების მორიგ სესიებზე დაამტკიცონ აღმასკომების სამმართველოები და განყოფილებები, აგრეთვე შექმნან სახალხო მეურნეობის ძირითადი დარგების მიხედვით მუდმივი კომისიები და უზრუნველყონ ამ კომისიებში ყველა დებუტატის ჩაბმა;

ი) ვადაჭრით გააუმჯობესონ ხელმძღვანელობა საბჭოთა აპარატის მუშაკების მიმართ, აამაღლონ მათი სიფხიზლე, გააძლიერონ ბიუროკრატიზმთან და საქმის გაკვიანურებასთან ბრძოლა და ყოველმხრივ განამტკიცონ სახელმწიფოებრივი დისციპლინა.

2. დაევალოს საქართველოს სსრ უმაღლესი საბჭოს პრეზიდიუმის საორგანიზაციო-საინსტრუქტორო განყოფილებას ჩაატაროს მშრომელთა დებუტატების რაიონული და საქალაქო საბჭოების აღმასკომების მდივნების საინსტრუქტაჟო თათბირი და აღმოუჩინოს აღმასკომებს პრაქტიკული დახმარება ორგანიზაციულ მუშაობაში.

საქართველოს სსრ უმაღლესი საბჭოს  
პრეზიდიუმის თავმჯდომარე მ. ჩუბინიძე.

საქართველოს სსრ უმაღლესი საბჭოს  
პრეზიდიუმის მდივანი ს. როსტიაშვილი.

ქ. თბილისი.  
1955 წ. 16 აპრილი.

**2. „საქართველოს სსრ უმაღლესი საბჭოს უწყებების“ სარედაქციო კოლეგიის შემადგენლობის შესახებ**

საქართველოს სსრ უმაღლესი საბჭოს პრეზიდიუმში ადგენს:  
დამტკიცებულ იქნას „საქართველოს სსრ უმაღლესი საბჭოს უწყებების“ სარედაქციო კოლეგია შემდეგი შემადგენლობით:  
რედაქტორი—როსტიაშვილი სერგი საბას-ძე;  
რედაქტორის მოადგილე—მელითაური გიორგი გიორგის-ძე;  
სარედაქციო კოლეგიის პასუხისმგებელი მდივანი—ჩიქვინიძე ეთერ მიხეილის ასული;

სარედაქციო კოლეგიის წევრები:  
ქუჩუკაშვილი ვლადიმერ ანდრეას-ძე;  
ჩიქვანაია ალექსანდრე კონსტანტინეს-ძე.

საქართველოს სსრ უმაღლესი საბჭოს  
პრეზიდიუმის თავმჯდომარე მ. ჩუბინიძე.

საქართველოს სსრ უმაღლესი საბჭოს  
პრეზიდიუმის მდივანი ს. როსტიაშვილი.

ქ. თბილისი.  
1955 წ. 16 აპრილი.

**მ. ბრძანებულება მხატვრული თვითმოქმედების კოლექტივების დაჯილდოების შესახებ საქართველოს სსრ უმაღლესი საბჭოს პრეზიდიუმის საპატიო სიგელით**

მხატვრული თვითმოქმედების მე-8 რესპუბლიკურ ოლიმპიადაზე წარმატებით გამოსვლისათვის დაჯილდოვდნენ საქართველოს სსრ უმაღლესი საბჭოს პრეზიდიუმის საპატიო სიგელით:

1. მახარაძის რაიონული კულტურის სახლის სიმღერისა და ცეკვის ანსამბლი
2. ამბროლაურის რაიონული კულტურის სახლის სიმღერისა და ცეკვის ანსამბლი
3. ჩხოროწყუს რაიონული კულტურის სახლის სიმღერისა და ცეკვის ანსამბლი
4. ყაზბეგის რაიონული კულტურის სახლის სიმღერისა და ცეკვის ანსამბლი
5. ორჯონიკიძის რაიონული კულტურის სახლის სიმღერისა და ცეკვის ანსამბლი
6. ი. ბ. სტალინის სახელობის თბილისის სახელმწიფო უნივერსიტეტის სიმფონიური ორკესტრი და მომღერალთა გუნდი
7. საგარეჯოს რაიონული კულტურის სახლის სიმღერისა და ცეკვის ანსამბლი.

საქართველოს სსრ უმაღლესი საბჭოს  
პრეზიდიუმის თავმჯდომარე **მ. ჩუბინიძე.**

საქართველოს სსრ უმაღლესი საბჭოს  
პრეზიდიუმის მდივანი **ს. როსტიაშვილი.**

ქ. თბილისი  
1955 წ. 20 მაისი.

**4. ბრძანებულება საქართველოს სსრ უმაღლესი საბჭოს პრეზიდიუმის საპატიო სიგელით იმ პირთა დაჯილდოების შესახებ, რომლებმაც განსაკუთრებით გამოიჩინეს თავი მხატვრული თვითმოქმედების განვითარების საქმეში**

მხატვრული თვითმოქმედების განვითარების საქმეში თვალსაჩინო დამსახურებისათვის დაჯილდოვდნენ საქართველოს სსრ უმაღლესი საბჭოს პრეზიდიუმის საპატიო სიგელით:

- |                                      |  |
|--------------------------------------|--|
| 1. აბაშიძე ივანე<br>ლევანის-ძე       | — ორჯონიკიძის რაიონული კულტურის სახლის სიმღერისა და ცეკვის ანსამბლის ხელმძღვანელი  |
| 2. გაბიჩვაძე რევაზ<br>კონდრატის-ძე   | — კომპოზიტორი  |
| 3. გალაგვი ბორის<br>ალექსანდრეს-ძე   | — ქ. სტალინირის კულტურის სახლის სიმღერისა და ცეკვის ანსამბლის კონსულტანტი  |
| 4. დარახველიძე გიორგი<br>ვიქტორის-ძე | — ქორეოგრაფი, ს. მ. კიროვის სახელობის საქართველოს პოლიტექნიკური ინსტიტუტის მხატვრული თვითმოქმედების კოლექტივის ქორეოგრაფიული ჯგუფის ხელმძღვანელი |

20. ჯიჯიშვილი ალექსანდრე — ქ. ბათუმის კულტურის სახლის სიმღერისტიფორეს-ძე — ჩრდილოეთის ანსამბლის ქორეოგრაფი.

საქართველოს სსრ უმაღლესი საბჭოს  
პრეზიდიუმის თავმჯდომარე მ. ჩუბინიძე.

საქართველოს სსრ უმაღლესი საბჭოს  
პრეზიდიუმის მდივანი ს. როსტაშვილი.

ქ. თბილისი  
1955 წ. 20 მაისი.

5. შრომის საქმეთა განხილვის მდგომარეობის შესახებ საქართველოს სსრ სახალხო სასამართლოებში

მოისმინა და განიხილა რა საქართველოს სსრ იუსტიციის მინისტრის ანხ. მ. ყ. ლომიძის მოხსენება სახალხო სასამართლოებში შრომის საქმეების განხილვის მდგომარეობის შესახებ, საქართველოს სსრ უმაღლესი საბჭოს პრეზიდიუმი აღნიშნავს, რომ სახალხო სასამართლოები შრომის საქმეებს ძირითადად შრომის კანონმდებლობის შესაბამისად სწყვეტენ, მაგრამ მათ მუშაობაში ჯერ კიდევ აქვს ადგილი კანონის სერიოზული ხასიათის დარღვევებს.

ორღვევა შრომის საქმეთა განხილვის კანონით დადგენილი ვადები: 1954 წლის განმავლობაში არსებითად დამთავრებულ 5.482 შრომის საქმიდან კანონით დაწესებული ხუთდღიანი ვადის დარღვევით განხილულია 2.086 საქმე, თბილისის კალინინის რაიონის მესამე უბნის სახალხო სასამართლოში შემოწმებული 30 საქმიდან ვადის დარღვევით განხილულია—15, სტალინის რაიონის მეორე უბნის სახალხო სასამართლოში შემოწმებული 35 საქმიდან—21 და მოლოტოვის რაიონის პირველი უბნის სახალხო სასამართლოში შემოწმებული 57 საქმიდან—35 საქმე. ქუთაისის პირველსა და მეორე უბნის სახალხო სასამართლოებში მოქ. ნ. ა. სახამბერიძის შრომის საქმის განხილვა გაქიანურდა 33 თვის განმავლობაში, თბილისის კალინინის მესამე უბნის სახალხო სასამართლოში მოქ. ფ. მ. ბოიჩენკოს სამუშაოზე აღდგენის საქმის განხილვა გაგრძელდა ცხრა თვე. მზგავს ფაქტებს ადგილი აქვს აგრეთვე ქ. თბილისის სტალინის რაიონის II უბნის, მოლოტოვის რაიონის I უბნის და ქ. გორის სახალხო სასამართლოებში.

1954 წელში საკასაციო წესით გასაჩივრებულ 941 საქმიდან გადაწყვეტილება გაუქმებულია 263 საქმეზე, რაც მოწმობს იმას, რომ სასამართლოები შრომის საქმეების განხილვის დროს უშვებენ შეცდომებს და რიგ შემთხვევებში გამოაქვთ კანონის საწინააღმდეგო გადაწყვეტილებები.

1954 წლის განმავლობაში სახალხო სასამართლოებში განხილულ 5.482 შრომის საქმიდან სარჩელი დაკმაყოფილებულია 4.074 საქმეზე, აქედან სამუშაოზე აღდგენის შესახებ 1.254 საქმიდან სარჩელი დაკმაყოფილებულია 764 საქმეზე, მოყვანილი ფაქტები ადასტურებენ, რომ ხშირ შემთხვევებში სახელმწიფო საწარმოების და დაწესებულებების ხელმძღვანელები უპართებულოდ ახდენენ მშრომელთა სამუშაოდან დათხოვნას და ამით უხეშად არღვევენ შრომის კანონმდებლობას, თავის მხრივ სასამართლოები ურიგდებიან ამ მდგომარეობას და არ აძლევენ სისხლის სამართლის პასუხისგებაში შრომის კანონმდებლობის დამრღვევ თანამდებობის პირებს.

ადგილი აქვს სასამართლოების გადაწყვეტილებათა აღსრულების დაუშვებელი გაჭიანურების ფაქტებს, არის შემთხვევები, როდესაც თვეობით არსრულდება სასამართლოების კანონიერ ძალაში შესული გადაწყვეტილებები. საქართველოს სსრ იუსტიციის სამინისტრო და საქართველოს სსრ პროკურატურა სუსტად ახორციელებენ ზედამხედველობას სახალხო სასამართლოების მუშაობაზე და არ ღებულობენ საჭირო ზომებს სასამართლოების გადაწყვეტილებათა შესასრულებლად და შრომის კანონმდებლობის განუხრელად გატარებისათვის.

მშრომელთა დეპუტატების საქალაქო და რაიონული საბჭოების აღმასკომები და პროფესიული კავშირების ადგილობრივი ორგანოები არ ამოწმებენ საწარმოებსა და დაწესებულებებში შრომის კანონთა დაცვის საკითხებს და არ ატარებენ საჭირო ღონისძიებებს.

საქართველოს სსრ უმაღლესი საბჭოს პრეზიდიუმი ადგენს:

1. დაევალოს საქართველოს სსრ იუსტიციის მინისტრს (ამხ. მ. ლომიძე) მიიღოს გადამკრედი ზომები სასამართლოების მუშაობაში გამოვლინებულ ნაკლოვანებათა უმოკლეს დროში აღმოსაფხვრელად, რისთვისაც:

ა) უზრუნველყოს სახალხო სასამართლოებში შრომის საქმეების კანონით დადგენილ ვადაში განხილვა;

ბ) შრომის საქმეებზე სასამართლო პრაქტიკის შესწავლა-განზოგადების მიზნით, პერიოდულად მოაწყოს სახალხო მოსამართლეების სემინარები შრომის სამართლის საკითხებზე;

გ) მიიღოს ზომები ყველა იმ მუშა-მოსამსახურეთა სამუშაოზე აღდგენისათვის, რომელთა მიმართაც არსებობენ სასამართლოების კანონიერ ძალაში შესული გადაწყვეტილებანი;

დ) მიმდინარე წლის ბოლომდე მოამზადოს გამოსაცემად შრომის კანონთა კოდექსი ქართულ ენაზე.

2. დაევალოს საქართველოს სსრ უმაღლესი სასამართლოს თავმჯდომარეს (ამხ. ი. დოლიძე) გააძლიეროს ზედამხედველობა შრომის საქმეთა განხილვაზე, უზრუნველყოს სასამართლოების მიერ დაშვებულ შეცდომათა გასწორება და სახალხო სასამართლოებისათვის შრომის კანონთა შესაბამისი მითითებების მიცემა.

3. დაევალოს საქართველოს სსრ პროკურორს (ამხ. მ. თოფურაძე), გააუმჯობესოს ზედამხედველობა შრომის საქმეთა კანონიერად გადაწყვეტაზე და მიიღოს ზომები წარმოება-დაწესებულებების იმ ხელმძღვანელების მიმართ, რომლებიც უხეშად არღვევენ საბჭოთა შრომის კანონმდებლობას.

4. დაევალოს მშრომელთა დეპუტატების საქალაქო და რაიონული საბჭოების აღმასკომებს პერიოდულად ჩაატარონ წარმოება-დაწესებულებათა ხელმძღვანელების თათბირები შრომის კანონმდებლობის სწორად გატარების შესახებ.

5. დაისვას საკითხი საქართველოს სსრ პროფსაბჭოს თავმჯდომარის ამხ. მ. მ. ლელაშვილის წინაშე, რათა მან დაევალოს პროფკავშირების ადგილობრივ ორგანოებს აქტიურად ჩაერიონ შრომის საქმეთა განხილვაში და შემდგომი აღკვეთონ სამუშაოდან მუშა-მოსამსახურეთა უკანონოდ მოხსნისა და შრომის ხელფასის ანაზღაურების დარღვევის ფაქტები.

6. დაევალოს სამინისტროების და წარმოება-დაწესებულებების ხელმძღვანელებს მტკიცედ დაიცვან საბჭოთა შრომის კანონმდებლობა და უზრუნ-

ველყონ შრომის საქმეებზე სასამართლოების მიერ გამოტანილი გადაწყვეტი-  
ლებების შეუფერხებლად შესრულება.

7. დაევალოს საქართველოს სსრ იუსტიციის სამინისტროს (ამხ. მ. ლო-  
მიძე) წარმოუდგინოს საქართველოს სსრ უმაღლესი საბჭოს პრეზიდიუმს  
მოხსენება ამ დადგენილების შესრულების შესახებ 1955 წლის დეკემბერში.

საქართველოს სსრ უმაღლესი საბჭოს  
პრეზიდიუმის თავმჯდომარე **მ. ჩუბინიძე**.

საქართველოს სსრ უმაღლესი საბჭოს  
პრეზიდიუმის მდივანი **ს. როსტიაშვილი**.

ქ. თბილისი.

1955 წ. 30 მაისი.

---